

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ----- 2019թ.

N--- -Ա

ՈՐՈՇՈՒՄ

**«ՀՈՂԻ ԵՎ ՈՒՆԵՑՎԱԾՔԻ ԳՈՐԾԱՌՆՈՒԹՅՈՒՆՆԵՐ»
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆԸ ԼՈՒԾԱՐԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 14-րդ կետով, «Բաժնետիրական ընկերությունների մասին» օրենքի 27-րդ հոդվածով և 67-րդ հոդվածի 1-ին կետի «գ» ենթակետով.

Երևան քաղաքի ավագանին որոշում է.

1. Հայաստանի Հանրապետության օրենսդրությամբ սահմանված կարգով լուծարել Երևանի ենթակայության «Հողի և ունեցվածքի գործառնություններ» փակ բաժնետիրական ընկերությունը (գտնվելու վայրը՝ 0010 ՀՀ, ք. Երևան, Փ. Բուզանդի 1/3, գրանցման համար՝ 264.140.02367):

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՀՈՂԻ ԵՎ ՈՒՆԵՑՎԱԾՔԻ ԳՈՐԾԱՌՆՈՒԹՅՈՒՆՆԵՐ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆԸ ԼՈՒԾԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Երևանի քաղաքապետարանի ենթակայության «Հողի և ունեցվածքի գործառնություններ» ՓԲԸ-ն (այսուհետ՝ Ընկերություն) իրականացնում է շենք-շինությունների հասցեների տրամադրման և հողօգտագործողների հետ պայմանագրերի կնքման ծառայություններ, որի մասով ֆինանսական միջոցների մուտքերը կազմում են շուրջ **120.0** մլն. դրամ, կամ ընդհանուր մուտքերի **95.0%**-ը: Հասցեների տրամադրման ծառայությունների գծով՝ համաձայն Երևանի քաղաքապետարանի և Ընկերության միջև կնքված ծառայությունների ձեռքբերման պայմանագրի, **2017թ.** Երևանի բյուջեից հատկացվել է **100.0** մլն. դրամ (Ընկերության ֆինանսական մուտքերի **75%**-ը), իսկ **2018թ.** **112.5** մլն. դրամ, որից միայն ԱԱՀ-ի գծով, հատկացումները կազմել են համապատասխանաբար **16.7** և **18.8** մլն. դրամ:

Ընկերության հաստիքացուցակով նախատեսված է **40** միավոր՝ **6.03** մլն. դրամ ամսական աշխատավարձի ֆոնդով, կամ տարեկան **72.4** հազ. դրամ: **2018թ.** եկամուտների և ծախսերի նախահաշվով նախատեսվել է **78.3** մլն. դրամ ծախս, ինչը կազմում է ընդհանուր ծախսերի գերակշռող մասը՝ **78.4 %**: Գործող հաստիքների **14** միավորը կազմում է վարչական անձնակազմի մասը, իսկ ամսական ֆոնդը **2.4** մլն. դրամ:

Երևան համայնքի վարչական սահմաններում գտնվող անշարժ գույքի միավորներին հասցեներ տրամադրելու լիազորությունը՝ համաձայն ՀՀ կառավարության **2005** թվականի դեկտեմբերի **29**-ի հ.**2387**-Ն որոշման հավելվածի **48**-րդ կետի, վերապահված է Երևանի քաղաքապետին, իսկ համաձայն «Երևան քաղաքում տեղական ինքնակառավարման մասին» օրենքի **50**-րդ հոդվածի **1**-ին մասի՝ Երևանի քաղաքապետը իր գործունեությունը կազմակերպում է Երևանի քաղաքապետարանի աշխատակազմի միջոցով:

Ելնելով վերոգրյալից՝ առաջարկվում է նշված լիազորությունները իրականացնել աշխատակազմի անշարժ գույքի կառավարման վարչության աշխատակիցների միջոցով, ինչը հնարավորություն կտա խնայելու Երևանի բյուջեից հատկացվող գումարները:

Երևանի ավագանու քննարկմանը ներկայացված մեկ այլ նախագծով նախատեսվում է Երևանի քաղաքապետարանի աշխատակազմի հաստիքացուցակը նշված վարչության մասով ավելացնել **10** միավորով: Նշված **10** միավորի ամսական աշխատավարձի ֆոնդը կազմելու է՝ **2.184.000** դրամ կամ տարեկան **26.208.000** դրամ:

Հաշվի առնելով վերոհիշյալը՝ Ընկերության հետագա գործունեությունը դառնում է ոչ նպատակահարմար:

Ելնելով վերոգրյալից՝ ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

Տ Ե Ղ Ե Կ Ա Ն Ք

**«ՀՈՂԻ ԵՎ ՈՒՆԵՑՎԱԾՔԻ ԳՈՐԾԱՌՆՈՒԹՅՈՒՆՆԵՐ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅՈՒՆԸ ԼՈՒԾԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

«Հողի և ունեցվածքի գործառնություններ» փակ բաժնետիրական ընկերությունը լուծարելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման կամ այլ իրավական ակտերում փոփոխություններ և (կամ) լրացումներ կատարելու անհրաժեշտություն չի առաջանում:

Տ Ե Ղ Ե Կ Ա Ն Ք

**«ՀՈՂԻ ԵՎ ՈՒՆԵՑՎԱԾՔԻ ԳՈՐԾԱՌՆՈՒԹՅՈՒՆՆԵՐ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅՈՒՆԸ ԼՈՒԾԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ
ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Հողի և ունեցվածքի գործառնություններ» փակ բաժնետիրական ընկերությունը լուծարելու մասին» Երևան քաղաքի ավագանու որոշման նախագծի ընդունմամբ Երևան քաղաքի **2019** թվականի բյուջեում էական փոփոխություններ չեն նախատեսվում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ